

NALUNAARUTIT - Grønlandsk Lovsamling

Serie C-II

02 DEC. 2019

ISUMAQATIGIISSTUT

Naalakkersuisut aamma Sulinermit Inuussutissarsiuteqartut Kattuf-
fiata akornanni **Peqqinnissamik siammarsaasut aamma ernisussiorner-
mi ikiortit** pillugit isumaqatigiissut.

IMAASA NALUNAARSORSIMAFFIAT

Qupp.

§ 1 Isumaqatigiissummi pineqartut.	3
§ 2 Suliffiup sivisussusia.	3
§ 3 Peqqinnissamik siammarsaasut aamma ernisussiornermi ikiortit aninggaasarsiaat.	4
§ 4 Soraarnerussutisiassanut akiliutissat taakkulu akilerneqartarneri.	5
§ 5 Ukiut suliffiit malillugit akissarsiat qaffakkiartortarneri. 6	
§ 6 Qaangiuttoornerit aamma qaangiuttoornernut taarsiullugu sulinngiffeqarnerit.	7
§ 7 Pigaartuuneq.	8
§ 8 Persaqquusersorneqarnermut akiliutit.	10
§ 9 Immikkut ittumik akiliutit tunniunneqarneri.	11
§ 10 Atorfimmuit imikut ittumut tapit.	12
§ 11 Ataasiakkaanut tapinut immikkoortitat.	12
§ 11 A Ilinniaqqinnermi, oqaluttaasarnermut pisortaanermullu tapisiat.	12
§ 12 Suliamut aalajagersimasumut tapeq.	14
§ 13 Pikkorissutsimut tapisiat.	14
§ 14 Suliarraqneqaratarsinnaanermut tapisiat.	16
§ 15 Assassorluni anersaartortitsineq aammalu qimagussuineq i.il.	16
§ 16 Napparsimasunik ingialluineq.	17

§ 17 Sulinermut atatillugu angalanerni saniatigut aninggaasartuutaasartut, tassunga ilanggullugit ullormusiat, unnuinermusiat (akunnittarfimminnermut atugassat) atortussarsiutillu.	19
§ 18 Nerisanut ineqarnermullu akiliutit.	19
§ 19 Ineqarneq.	19
§ 20 Atorfirinnermut atatillugu akiliunneqarluni angalaneq.	20
§ 21 Sulinngiffegarneq sulinngiffegarnersiutillu.	22
§ 22 Naartuneq, ernineq qitornavissiartaarnerlu.	22
§ 23 Napparsimaneq.	23
§ 24 Meeqqap napparsimanagerani ullormi siullermi sulinngiffegarsinnaatitaaneq.	24
§ 25 Meeqqap napparsimanagerani sulinngiffegarnerit allat.	25
§ 26 Sulinngiffegarnerit immikkut ittut allat.	25
§ 27 Sulinngiffegartarnerit.	26
§ 28 Qinikkatut pisortanillu toqqakkatut suliassaqartitaanerit.	26
§ 29 Sullisit.	27
§ 30 Toqukkut qimagaanersiutit.	28
§ 31 Soraarniuteqarneq/Soraarsitsineq.	28
§ 32 Isumaqtigiinngissutit kinaassusersiortumillu soraarsitsinerit.	29
§ 33 Peqqinnissamik siammarsaasut aamma ernisussiornermi ikiortit nal. Akunnermusiallit.	30
§ 34 Akissarsiat katiterneri.	33
§ 35 Ikaarsaarnermi malittarisassat.	34
§ 36 Piffissaq isumaqtigiissutip atuuffia.	34

§ 1

Isumaqtigiissummi pineqartut.

Peqqinnissamik siammarsaasut aamma ernisussiornermi ikiortit Namminersorlutik Oqartussani kommune-ilu atorfinitssinnejartut, isumaqtigiissutinullu allanut attuumassuteqanngitsut.

Imm. 2. Tjenestemandit imaluunniit naalagaaffimmit, Namminersorlutik Oqartussanit kommune-illu soraarninngorsimasut aammalu sulifeqarfinni immikkut pisussaaffiligaasuni ittut isumaqtigiissummi uani ilaatinneqanngillat.

§ 2

Suliffiup sivisussusia.

Sap.akunnerannut suliffissaq agquaqtigiissillugu nal.akunnerinik 40-nik sivisussuseqarpooq, taamaattorli unnukkorsiornermi/unnuarsiornermi nal. akunneri 37-ullutik, tak. § 7 imm. 5. Piffissap suliffiup sap. akunnerini ullunut ataasiakkaanut agquaanera sulisitsisumit aalajangerneqartassaaq suliffimmi pissutsit mianeralugit.

Imm. 2. Ullormut nal.akunneri 7 sinnerlugit imaluunniit ullormut sulinissamik immikkut isumaqtigiissutigisap, sivisunerpaamilli nal.akunneri 9 sinnernagit sivisussuseqartussap avataatigut suli-neq qaangiuttoornertut isigineqassaaq. Suliffissat allattorsimafiat nalunaarutigineqartassaaq, taamaasilluni sulisup (paarlaassisussat eqqarsaatiginag) sukkulluunniit qanoq ilisukkut sulinissamik aammalu sap.akunnerinik 4-nik sioqqullugu sulinnginnissat inisisimanerinik ilisimatinneqartuartassallutik.

Imm. 3. Piffissap suliffiup iluani sulinngitsoornerit akissarsianit ilanngaatigineqassapput. Nal. akunnera sulinngitsoorfik nalilerneqartassaaq atorfillip nal. akunnermusiarisartagaata angeqqataanik, nal.akunneranut tapiusinnaasut ilanngullugit. Nal.

akunnerata affaa tikillugu sulinngitsoorneq nal. akunnerata af-
faatut naatsorsorneqartassaaq.

Imm. 4. Sulinermut atatillugu angalanerni piffissaq angalaffiusoq suliffimmiit/suliffimmut suliffittut naatsorsorneqartassaaq. Taa-
maattorli piffissap suliffiup taama naatsorsorneqarnerata kingu-
nerisaanik ullormi pineqartumi piffissaq suliffiusussaq
eqqortinneqanngitsutut isigineqarsinnaanngilaq.

Imm. 5. Sulisorli siniffissaqartinneqarpat nal. 22.00-ip nal.
08.00-llu akornanni piffissaq angalaffiusoq piffissatut sulif-
fittut naatsorsunneqassanngilaq.

Imm. 6. Taamaattoq ingiallortaalluni angalanermi akissarsiaqarner-
mut aammalu suliffiup sivisussusianut immikkut ittumik aalajanger-
sakkat atuutsinneqarput, tak. § 16.

S 3

**Peqqinnissamik siammarsaasut aamma
ernisussiornermi ikiortit aningaasarsiaat.**

Peqqinnissamik siammarsaasut aamma ernisussiornermi ikiortit tamakkiisumik ilinniarsimasut imaattunik qaammamusiaqartinneqas-
sapput:

Skala	trin	ukiuut suliff	01.04.18	01.04.19	01.04.20	01.04.21
21	1	1.-2.	19.381,17	19.761,73	20.142,29	20.522,86
22	2	3.-4.	19.580,83	19.961,39	20.341,96	20.722,52
23	3	5.-6.	19.786,42	20.166,98	20.547,54	20.928,11
24	4	7.-8.	19.997,82	20.378,39	20.758,95	21.139,51
25	5	9.-10.	20.221,08	20.601,64	20.982,20	21.362,77
26	6	11. amerlanerillu	20.450,83	20.831,39	21.211,96	21.592,52

Imm. 2. Peqqinnissamik siammarsaasut angerlarsimaffinnik pulaartartuni, peqqinnissaqarfimmi sulisut aammalu utoqqaat illuini assigisaanniluunniit napparsimavinnilu immikkoortortaqarfinni aqut-sisutut atorfillit imaattunik qaammamusiaqartinneqassapput:

Skala	trin	suliff	ukicut	01.04.18	01.04.19	01.04.20	01.04.21
23	1	1.-2.		19.786,42	20.166,98	20.547,54	20.928,11
24	2	3.-4.		19.997,82	20.378,39	20.758,95	21.139,51
25	3	5.-6.		20.221,08	20.601,64	20.982,20	21.362,77
26	4	7.-8.		20.450,83	20.831,39	21.211,96	21.592,52
27	5	9. amerlanerillu		20.680,97	21.061,54	21.442,10	21.822,66

S 4

**Soraarnerussutisiassanut akiliutissat
taakkulu akilerneqartarneri.**

Isumaqtigiissut malillugu sulisup 18-nik ukioqalereersimasumut soraarnerussutisiaqalernissaanut isumaqtigiissummi matumani akissarsiat paragrafini tunngaviusumik akissarsiat taaneqartut 11,50%-ii sulisitsisup akilertassavai. Akiliutigineqartup agguataarlugu sulisumut pingajoraarterutaa pigitinneqarpoq sulisitsumullu pingajoraarterutaa marluk pigitinneqarluni. Soraarnerussutisiaqartitsisoqartassaaq soraarnerussutisiaqalernissamut aaqqissuussinermi malittarisassaani aalajangersakkat naapertorlugit.

Imm. 2. Sulisoq atorfegarnini tunngavigalugu soraarnerussutisisasanut akiliutit imm. 1-im i taaneqartut avataasigut sulinini pisutigalugu sulisitsisuminit soraarnerussutisiaqartinneqarniluunniit ikiutisiaqartinneqassanngilaq.

§ 5

**Ukiut suliffiit malillugit
akissarsiat qaffakkiartortarneri.**

Ukiut suliffiit malillugit akissarsiat qaffakkiartortarneri aala-jangersarneqartassapput piffissaq pineqartup ilinniarsimanini tunngavigalugu suliffigisimasaa aallaavigalugu.

Imm. 2. Ukiut suliffiit malillugit akissarsiat qaffakkiartortarne-
risa naatsorsorneqarneranni siusinnerpaatut aallaaviusassaaq qaam-
matip ilinniakkamik naammassinniffiup naanera.

Imm. 3. Ukiut suliffiit malillugit akissarsiat qaffakkiartortarne-
ri tamatigut qaammatinut ilivitsunut akunnaallillugit iluarsi-
neqartassapput ullut 15 taakkunanngaluunniit ikinnerit ilangun-
neqartassanatik.

Imm. 4. Isumaqatigiissut una naapertorlugu sulisut Kalaallit Nuna-
anni pisortat suliffeqarfiutaannit toqqaannartumik Kalaallit Nu-
naanni pisortat suliffeqarfiutaannut allamut nuuttut suliaminnillu
allangortitsinatik ingerlatsiinnartut ukiut suliffiit malillugit
akissarsiat qaffakkiartortarnissaattut katersareriiikkatik attati-
innassavaat.

Imm. 5. Malittarisassanit siuliani taaneqartunit qaffasinnerusumik
inissiisoqarsinnaavoq immikkorluinnaq pissutissaqartillugu.

Imm. 6. § 33 naapertorlugu atorfiet ataasiakkaat ataanni inis-
siisarnissamik aalajangersakkat immikkut ittumik nalunaarsorne-
qarsimasut ilangullugit innersuussutigineqarput.

Imm. 7. Sap.akunnerannut agguaqatigiissillugu nal. akunneri 15-nit
sinnerlugit suliffiuppata tamakkiisumik akissarsiat qaffakkiartor-
tarnerinik pissarsisoqassaaq. Sap.akunneranut agguaqatigiissillugu

nal. akunnerini 15-init ikinnerit suliffiuppa akissarsiat qaffakkiartortarnerannik piffissamut suliffimmut naapertuuttunik pis-sarsisoqassaaq.

S 6

Qaangiuttoornerit aamma qaangiuttoornernut taarsiullugu sulinngiffeqarnerit.

Qaangiuttoorneq sapinngisamik pinngitsoorniarneqartassaaq. Peqquneqarluni nakkutigineqartumillu atorfefarfimmi piffissap nalinginnaasumik suliffiup § 2 imm. 1 aamma 2-mi aalajangersakkat avataatigut qaangiuttoornermut qaangiuttoornersiaqartitsisoqassaaq taakkulu naatsorsorneqassapput § 3-mi qaammammut akissarsiat tapi-usinnaasut ilangullugit agguarnerattut 50%-imik tapeqartillugit.

Imm. 2. Qaangiuttoornerit sulisup sulisitsisullu isumaqatiginne-
risigut sulinngiffeqaataasinnaapput. Qaangiuttoornersiassaagalua-
nut taarsiullugu sulinngiffeqarnermi qaangiuttoornermi akis-
sarsiassat 50%-imik ilallugit qaangiuttoornersiassaagulanut naa-
pertuuttunik sulinngiffeqaataassapput. Sulinngiffeqarnerup qaugu
pinissaa sulisup sulisitsisullu akornanni suliffik mianeralugu su-
lisullu kissaatigisai naapertorlugit aaqqissuunneqassaaq.

Imm. 3. Sulisoq qaangiuttooqquneqassappat tamanna ullormi
pineqartumi ullup suliffiup naanissaa nal. akunnerinik 5-inik
sioqqullugu ilimasaarutigineqareersimassaaq.

Imm. 4. Ilisimatitsineqanngippat qaangiuttoornerlu nal.akunneri 2-
t sinnerlugit sivisussuseqarpal nal. akunnerisa qaangiuttoorfiit
saniatigut qaangiuttoornersiffissat nal.akunneranik 1-mik ila-
neqassapput.

Imm. 5. Ullormut suliffissap nalinginnaasup avataatigut qaangiuttoornerit sivikinnerpaamik nal. akunneri 4-aappata taakku suliffi-

oreersut saniatigut qaangiuttoornersiamik nal. akunnerata 1-ip na-
linganik ilaneqassapput.

Imm. 6. Suliffiup nalinginnaasup avataatigut sulisoq suliartoq-
quneqarpat minnerpaamik nal. akunneri 4-t tunniunneqassapput.

§ 7

Pigaartuuneq.

Nalinginnaasumik piffissap suliffiup avataani atorfilik pigaar-
tooqquneqarsinnaavoq imatut:

- I. Angerlarsimaffimmit pigaartuuneq aggersarneqarnikkut piaar-
nerpaamik suliartornissamik pisussaaffilimmik.
- II. Napparsimmavimmittussaalluni pigaartuuneq.

Imm. 2. Imm. 1-im i taaneqartutut pigaartuusarnerit ulloq unnuarlu
naallugit peqqussutaasinnaapput, ullormut tamakkiisumik suliffi-
usussaanngitsuni (annermik sapaatini nalliuuttunilu).

Imm. 3. Suliassaqarfiallaanngitsumik pigaartuunermi nal. akun-
neranut akissarsiat imaapput:

Pigaartuuneq I)	nal.akunneranut 29,00 kr.
Pigaartuuneq II)	nal.akunneranut 61,00 kr.

Imm. 4. Piffissamut, aggeqquneqarnermit naatsorsorlugu, pigaar-
tuunerup nalaani suliffiorpiartumut, qaangiuttoornersiaqartitsine-
qassaaq imaluunniit sulinngiffeqartitsineqarluni, tak. § 6,
aamaattoq aggeqqusineq ataaseq tamatigut sivikinnerpaamik nal.
akunneranik ataatsimik sulinertut naatsorsuullugu. Qaangiuttoorneq
imaluunniit sulinngiffeqartitsinissaq tunniunneqartassaaq nal.
akunnera aallartittoq suliffiorpiartoq tunngavigalugu aammalu nal.
akunnerani ataatsimi arlaleriarluni aggeqqusinermi nal.akunneranut

ataasiinnarmut qaangiuttoornersiaqartitsineqartassaaq imaluunniit sulinngiffeqartitsineqartassalluni.

Imm. 5. Nal. akunnerinut tamanut suliassaqarfiallaangitsunut aama pigaartuunerup nalaani nal. akunnerinut siullernut 8-nut sulifiorpiartunut imm. 3. malillugu pigaartuunermut akissarsisitsisoqassaaq. Nal.akunnerisa 8-t avataatigut piffissanut suliffiorpiartunut § 6-imi imm. 1 aamma 2 malillugit qaangiuttoornersisitsisoqassaaq sulinngiffeqartitsisoqarluniluunniit. Pigaartuunerup nalaani piffissaq suliffiorpiartoq imm. 4-mi allassimasutut naatsorsorneqartassaaq. Ulloq unnuarlu pigaartuuneq ulloq naallugu sulinertut ilaassaaq § 2 imm. 1-imi sapaatit akunnerannut piffissat suliffissat aalajangersarnerini.

Imm. 6. Sulisut pigaartuunngikkaluarlutik nalinginnaasumik piffis-sap suliffiup avataani suliartoqquneqartut akissarsiaqartinneqassapput imaluunniit sulinngiffeqartinneqassallutik qaangiuttoornersiaqarnertut, tak. § 6 imm. 1 aamma 2 taamaattoq minnerpaamik nal. akunnerinut 3-nut.

- Nal.akunneri 3 qaangerlugit sulinermut qaangiuttoornersiaqartitsineqassaaq imaluunniit sulinnginnersiaqartitsineqarluni nal. akunnerisa aallartinneri tamaasa tunngavigalugit aamma nal. akunnerisa 3 ingerlanerini arlaleriarluni aggeqqusinernut qaangiuttoornersiaqartitsineqassaaq imaluunniit sulinnginnersiaqartitsineqarluni taamaallaat nal.akunnerinut 3-nut.
- Sulinnginnermi nal.akunneri 4 inorlugit sivisussuseqartus-samik aggeqqusisoqartillugu akissarsisitsisoqartassaaq sulinngitsitsisoqarluniluunniit qulaani allattorneqartut malillugit. Aggeqqusinermi nal.akunneri 4-simappata sin-nersimallugilluunniit taava sulinnginnej peerneqaral-lartutut naatsorsunneqassaaq, tak. § 8 imm. 3.

Imm. 7. Suliffeqarfimmi pissutsit tunngavigalugit tamanna ajornartinnagu, pinartoqanngitsumik pigaartuuneq aamma sulinnginnermik taarteqartinneqarsinnaavoq, taamaalilluni pigaartuuneq I-tut taa-neqartoq tunngavigalugu akunnerit 3-t pigaartuunerit tamaasa aam-

malu pigaartunneq II-tut taaneqartoq tunngavigalugu akunneq 1 minutsillu 20-it pigaartuunerit tamaasa, akunnermik ataatsimik sulinngiffeqartitsisoqartassalluni.

Imm. 8. Sulisut imm. 1-im iamma imm. 2-mi pineqartutut pissusilimmik pigaartuuffiisa qaammammut nal. akunneri 140 sinnersimapagut, taakku malittaanni nal.akunnerini pigaarfinnut 70-inut immikkut ittumik akissarsisitsisoqartassaaq nalinginnaasumik pigaartuunermi akissarsiap 75%-ianut naapertuuttumik aammalu taakku qaangerluginnigut pigaartutut sulinermut immikkut ittumik akissarsisitsisoqartassalluni nalinginnaasumik pigaartuunermi akissarsiap 100%-ianut naapertuuttumik. Ulloq unnuarlu pigaartuuneq, tak. imm. 2, naatsorsuinermi tamatumani nal. akunneri 16-tut naatsorsorneqartassapput.

§ 8

Persaqqusorsorneqarnermut akiliutit.

Atorfilik nalliuttuni sapaatit avataaniittuni sulinngiffeqartussaatitaavoq imaluunniit taartisisussaatitaavoq soorlu allatigut sulinngiffeqarnikkut.

Imm. 2. Ukiup ferierfissap naannginnerani sulinngiffeqarfissanik taarsiisoqanngippat imm. 3 naapertorlugu (sulinngiffik annaasaq) aningaasanngorlugu akissarsissutigineqassaaq. Nalliuttuni sulinerit akilerneqarnerisa saniatigut sapaatini sulinertut akiliuteqartoqassaaq.

Imm. 3. Atorfilik sapaatit akunnerannut ullormik ataatsimik sulinngiffeqartinneqassaaq ullorlu taanna pigaartuuffiuussanngilaq. Ulloq sulinngiffik suliffissangortinneqarpal sulinngiffissamik allamik taarserneqassaaq ullormi suliffiusariaqartumi nal. akunneri suliffigineqartut 33 1/3%-inik ilallugit nal. akunneri ilivits-

unngorlugit imaluunniit ullormi suliffissanngortinneqartumi nal. akunneri suliffiusut qaangiuttoornersissutigineqassapput - taamaattorli minnerpaamik nal. ak. 6-ni sulinertut.

Imm. 4. Sulinngiffiusartut ilaannaasa sapaatikkut pisarneri pissutigalugit atorfillip sapaatip ulluani unnuaanilu nal. akunneri suliffigisani tamaasa, nal. akunnerata affanik sulinngiffeqarfissanik pissarsissutigissavai.

Imm. 5. Taamatut sulinngiffeqarfiusussamut taarsiuullugu nal. akunneranut ajunngitsorsiassaqartitsisoqarsinaavoq qaammammut tunngaviusumik akissarsiat 1/4%-iannik. Piffissaq tamaat sulisut akissarsiaasa nikerarfiini inissisimaffik tunngavigalugu 1/4%-iatut (aamma suliffiup ilaannaani sulisunut) tamatigut tapisiassaq naatsorsorneqartassaaq. Tapisiaq pineqartoq aamma sapaatip ulluani unnuaanilu qaangiuttoornerit tunngavigalugit tunniunneqassaaq. tak. imm. 3.

Imm. 6. Arfininngornerni nal. 14.00-imiit nal. 24.00-mut sulinerni immikkut tapisiaq nal. akunneranut 23,42 kr.-it akissarsissutigineqassapput.

Imm. 7. Nal. 17.00-ip aamma 06.00-ip akornanni peqquneqarluni sulisunut nal. akunneranut 16,30 kr.-nit saniatigut tapiliunneqassapput.

§ 9

Immikkut ittumik akiliutit tunniunneqarneri.

\$\$ 6, 7 aamma 8-mi taaneqartunik pisoqartillugu tassa tapisiaqartitsisoqarsinnaatillugu sulinngitsitsineqarsinnaaneranilu, sulinngitsitsineqaraangat ilanngaassisooqartassaaq nal. akunnera ataaseq suliffik naatsorsuutigalugu ukiumut aningaasarsiat 1/2080-imik aguarnerattut. Aningaasanngorlugu tunniunneqarnerat nal. akunneri-----

salu sulinngiffiusimasinnaasut ilanngaatigineqarnerat pisassaaq aningaasarsiat allagartaani qaammatip taamatut ittumik suliffiup sulinngiffiusimasulluunniit tulliani.

§ 10

Atorfimmut imiikut ittumut tapit.

§ 3-mi akissarsiat taaneqartut nalinginaasumik piumasaqaatitarisaannut il.il. ilaanngitsunik suliatigut, allaffissornikkut, pisinnaasariaqartutigut allatigulluunniit imikkut inissisimasunik atorfinitstsistsisoqartillugu, akissarsianut tapit atugassaritaaajunnartullu allat pillugit isumaqatigiissuteqartut akornanni immikkut isumaqatigiissuteqartoqarsinnaavoq.

§ 11

Ataasiakkaanut tapinut immikkoortitat.

Sulisut 1. april 20114-mi ataasiakkaanut tapisiallit nammineq tapisiatut suliunnaarnissap tungaanut tapisiariinnassavaat.

§ 11 A

Ilinniaqqinnermi, oqaluttaasarnermut pisortaanermullu tapisiat.

Peqqinnissamik siammarsaasut aamma ernisussiornermi ikiortit ataani allassimasunik ilinniaqqinnernik naammassinnissimasut qaammammortumik tapisiaqartinneqarsinnaapput imaattunik:

- a) Tarrarsuisartutut ilinniaqqinnermut I-imutimaluunniit audiometrimut ilinniaqqinnermut: 350,00 kr.
- b) Tarrarsuisartutut ilinniaqqinnermut II-mut imaluunniit kinguaassiuutitigut nappaatit pillugit ilinniaqqinnermut: 500,00 kr.
- c) Tarrarsuisartutut ilinniaqqinnermut III imaluunniit laboratoriemi ikiortitut ilinniaqqinnermut: 760,00 kr.

Taaneqartutut tapisiaqartitsinissamut pineqartup ilinniaqqinnernut tunngasunik suliaqarsimanera tunngaviussaaq.

Imm. 2. Ilinniaqqinnerit allat inissinneqassapput a)-mi, b)-mi c)-milu tapisiat angissausaannut illuatungeriit isumaqatigiissutegarnerisigut. Tapisiat annertussusiat c) atorneqartassaaq ilinniaqqinnernut immikkut sivisussuseqarlutillu piginnaanngorsarfiusnut.

Imm. 3. Peqqinnissamik siammarsaasut angerlarsimaffinnik pulaartartuni imaluunniit meeqgerisuni sulisunut ukiup affaani naleeqguttumik ilinniartinneqarsimasut 660,00 kr.-nik tapisiaqartineqassapput suliassaqarfitt taaneqartut iluini namminersorlutik suligunik.

Imm. 4. Sulisumut ataatsimut tapisiat imm. 1-im i taaneqartut arlaat ataasiinnaq tapisiaritinneqarsinnaavoq. Napparsimavinni immikkoortortalersugaangitsuni imm. 1-im tapisiat ataatsimoortillugit sulisumut ataatsimut tapisiaritinneqarsinnaapput.

Imm. 5. Peqqinnissamik siammarsaasut aamma ernisussiornermi ikiorrit sulinerup ilarujussuani oqalutsitut atuuttut, assersuutigalugu angerlarsimaffinni niviarsianut oqaluttaasartut, Kalaallit Nunaanni Naalakkersuisut isumaqatigereerlugit oqalutsitut tapisiaqartineqarsinnaapput qaammammut 500,00 kr.-nik.

Imm. 6. Peqqinnissamik siammarsaasut utoqqaat illuini assigisaaniluunniit pisortatut atorfillit, illuatungeriit isumaqatigiinnerisigut pisortatut tapisiaqartinneqarsinnaapput qaammammut 2.000,00 kr.-nit angullugit.

Imm. 7. Peqqinnissamik siammarsaasut napparsimavinni pisortatut atorfillit, illuatungeriit isumaqatigiinnerisigut pisortatut tapisiaqartinneqarsinnaapput qaammammut 2.000,00 kr.-nit angullugit.

Imm. 8. Peqqinnissamik siammarsaasut, naartunermi ernereernerullukingorna isumaginninnissamik pikkorissarsimanermut allagartallit(Perinatal), tapisiaqartinneqassapput qaammammut 500,00 kr.-nit.

Imm. 9. Peqqinnissamik siammarsaasut imm. 6 aamma 7-mi pisortatnut tullersortitut inissisimasut , illuatungeriit isumaqatigiinnerisigut tapisiaqartinneqarsinnaapput qaammammut 1.000,00 kr.-nit angullugit.

Imm. 10. Peqqinnissamik siammarsaasut tararsuisinnaanermut ilinniartinneqarsimasut/kursus-sersimasut, iluarsiissutitaqanngitsumik aam-malu soraarnerussutisiassateqaataasussaanngitsunik qaammaammut 350,00 kr.-nik tapisiaqartinneqarsinnaappat.

§ 12

Suliamut aalajagersimasumut tapeq.

Nunatsinni Peqqinnissaqarfiup ataani isumaqatigiissut manna atuuttoq najoqqutaralugu atorfegartumut tapeqaataasinnaavoq Qarasaasiatigut Napparsimasut Allattorsimaffianut immikkut ilisimasalittut atuisuutilluni qaammammut 1000,00 kr.-nik.

§ 13

Pikkorissutsimut tapisiat.

Isumaqatigiissut manna tunngavigalugu atorfinitssinneqarsimasunut pikkorissutsimut tapisiaqartitsisoqarsinnaavoq qaammammut kr. 500,00-nik. Pikkorissutsimut tapisiat inummut ataatsimut aralinngorlugit tunniunneqarsinnaapput.

Imm. 2. Tapisiat sulisunut suliatigut pikkorissutsikkullu imaluunniit allatigut immikkut inississimasunut tunniunneqartassapput,

taamatut inissisimaneq isumaqatigiissummi matumani nalin-ginnaasumik tunngaviusuni akissarsiatigut taaneqartunut il.il. ilaatinneqanngippat.

Imm. 3. Kommune-it ataasiakkaat, Namminersorlutik Oqartussat suliffeqarfisa immikkoortui ataasiakkaat, matumani suliffiit taakkununga atasut ilanngullugit, kiisalu Namminersorlutik Oqartussat aktiaateqarluni ingerlatseqatigiiffiutai tapisiassanik aa-lajangersimasunik amerlassusilinnik agguassassaminnik tunineqartassapput. Immikkoortortaqarfinnut ataasiakkaanut tapisiassat amerlassusissaat Aningaasaqarnermut Sulisoqarnermullu Aqutsisoqarfiup isumaqatigiinniarnermut immikkoortortaqarfiata nalunaarutigisassavai.

Imm. 4. Najukkami sulisitsisup najukkamilu tassani sulisut sinni-isaata imaluunniit S.I.K.-p akornanni isumaqatigiinniareernikkut tapisiassat taakku kommunit suliffeqarfiiillu ataasiakkaat iluanni agguataarneqartassapput.

Imm. 5. Tapisiat atorfimmut allamut nuunnermi peerneqartassapput.

Imm. 6. Pikkorissutsimut tapisiat inuttaaruttut isumaqatigiinni-uti-geqqinnejareernermikkut atorneqaqqissinnaalertassapput, tak. imm. 4.

Imm. 7. Pikkorissutsimut tapisiat agguataarneqarnissaat isumaqatigiissutigineqarsinnaanngippat apeqput isumaqatigiissute-qartutut illuatungeriinnit aalajangiiffigineqartassaaq.

§ 14

Suliartoqquneqaratarsinnaanermut tapisiat.

Peqqinnissamik siammarsaasut/ernisussiornermi ikiortit sy-
geplejestationini atorfeqartut §§ 6, 7 aamma 8-imik tapinut il.il.
taarsiullugu suliartoqquneqaratarsinnaanermut tapisiaqartinneqas-
sapput qaammammut 3.800,00 kr.-nik.

Imm. 2. Imm. 1-mi tapisiat pineqartut aamma peqqinnissamik si-
ammarsaasunut/ernisussiornermi ikiortinut peqqissaasuni anger-
larsimaffinnik pulaartartuni/meeqgerisuni utoqqaat illuini sulis-
nut tunniunneqarsinnaapput, taakku suliamik kisarmaassillutik ima-
luunniit suliffiup avataatigut annertuumik suliaqarpata.

Imm. 3. Peqqinnissamik siammarsaasunut/ernisussiornermi ikiortinut
utoqqaat ataatsimoorussamik angerlarsimaffiini imaluunniit
utoqqaat illuini pisortanut §§ 6, 7 aamma 8-imik tapinut il.il.
taarsiullugu suliartoqquneqaratarsinnaanermut tapisiaqartitsiso-
qassaaq qaammammut 4.400,00 kr.-nik.

Imm. 4. Peqqinnissamik siammarsaasut aamma ernisussiornermi ikior-
tit qaangiuttoornerit il.il. nakkutigiuminaatsumik inger-
lanneqartunut §§ 6, 7, aamma 8-mi tapisianut il.il. pineqartunut
taarsiullugu suliartoqquneqaratarsinnaanermut tapeq tunniunne-
qarsinnaavoq. Tapisiap annertussusia illuatungeriit isumaqati-
giissuteqarnerisigut aalajangerneqartassaaq.

§ 15

Assassorluni anersaartortitsineq aammalu qimagussuineq i.il.

Peqqinnissamik siammarsaasut/ernisussiornermi ikiortit nappar-
simasunik anerningiattunik assassorluni anersaartortitseqataa-
nerini aammalu napparsimasut nillarsagaanerisa nalaanni imaluun-
niit kissamik seqersittarnerisa nalaanni paarsineq sulisunut ilu-

aatsuuppat, nal.akunneranut sulinerit tamarmik nal.akunneranik 1
1/4-imik sulinertut naatsorsorneqassapput.

Imm. 2. Peqqinnissamik siammarsaasut/ernisussiornermi ikiortit
timmisartorlutik ikiuiartorasuaqataanerinut 112,20 kr.-ninik
tapisiaqartitsisoqassaaq.

§ 16

Napparsimasunik ingialluineq.

Napparsimasup Kalaallit Nunaannut, Kalaallit Nunaanni Kalaallit
Nunaanniillu angallanneqarnerani isumannaatsumik passunneqarnissaa
pissutigalugu nakorsap pisariaqartippagu peqqinnissamik siammar-
saasumik/ernisussiornermi ikiortimik ingiallorneqarnissaa malerua-
gassat makku malillugit aningaasarsisitsisoqartassaaq:

Imm. 2. Piffissami ullup suliffiusussap suliffigisamit aallarfis-
satut naatsorssuutigineqartumiit napparsimasumik ingialluinerup
naammassinissaata tungaanut piareersimanertut II-tut aningaasar-
sisitsisoqassaaq.

Imm. 3. Piffissaq sulisup napparsimasumik akisussaaffeqarnera imm.
4 naapertorlugu nal.akunneri aallartinneri tamaasa suliffiorpi-
artutut naatsorsunneqassaaq.

Imm. 4. Ulloq unnuarlu pigaartuunerme malittarisassat uku atuup-
put: Pigaartuunerup nalaani nal. akunnerinut tamanut
suliffiorpiangitsunut kiisalu nal.akunnerinut 8-nut suliffiorpi-
artunut siullernut § 7, imm. 3 naapertorlugu pigaartuun-
ersiaqartitsisoqassaaq. Nal. akunneri 8 sinnerlugit suliffiorpi-
artunut § 6 imm. 1 aamma naapertorlugu qaangiuttoorner-
sisitsisoqarluniluunniit sulinngitsitsisoqassaaq. Ulloq unnuarlu
pigaartuuneq sap.akunneranut piffissami suliffiusussami § 2, imm.

1-imi aalajangersarneqartumi aalajangersarneqartumi ullortut tamakkiisumik suliffittut naatsorsuunneqassaaq.

Imm. 5. Imm. 3 naapertorlugu suliffiorpiartunut atatillugu sapaatini nalliuttunilu sulinermut tapisiaqartitsisoqassaaq, arfininngornermi sulinermut tapisiaqartitsisoqassalluni, kiisalu unnukkorsiornermut unnuarsiornermullu tapisiaqartitsisoqassalluni piffissat pineqartut iluanni suliffiorpiarpata.

Imm. 6. Napparsimasunik ingialluilluni angalanerni Namminersorlutik Oqartussani kommunenilu tjenestemandinut aalajangersakkat atuuttut naapertorlugit ullormusiaqartitsisoqassaaq. Aningaasartutit napparsimasup angalanermi nerisaqarneranut pisariaqartitat uppernarsaatillit tamakkiisumik taarsiissutigineqassapput.

Imm. 7. Peqqinnissamik siammarsaasumut/ernisussiornermi ikiortimut nalinginnaasumik napparsimmavimmi sulinerminniit napparsimasunik ingialluinermut peqquneqartumut/ikaarsaariartumut piffissaq napparsimasunik ingialluilerfik piffissatut suliffissatut aalajangersarsimasutut aallartiffianit naatsorsuutigineqalissaaq, piffissaq pineqartoq ingialluilluni angalanissamit siusinneruppat.

Imm. 8. Ullut sulinngiffissatut pilersaarutigeriikkat ullormi aallarfimmi tikiffimmiluunniit pisut sulinngiffissatut annaasatut akilerneqassapput, taamatuttaarlu ullut sulinngiffeqarfissasatut pilersaarutigineqartut ingialluinerup nalaani sulinngififiunngitsoortut sulinngiffissatut annaasatut akilerneqassapput.

Imm. 9. Napparsimasunik ingialluinermi atuutissapput Namminersorlutik Oqartussat ataatsimoorussamik angalanermi sillimmasiis-sutaat.

§ 17

Sulinermut atatillugu angalanerni saniatigut aningaasartuutaasartut, tassunga ilanngullugit ullormusiat, unnuinermusiat (akun-nittarfimmiinnermut atugassat) atortussarsiutillu.

Sulisartut angerlarsimaffittut najukkamik avataannut suliartoral-lartitaasut aningaasanik pissarsiassaqartinneqassapput malittarisassat tjenestemandinut Namminersorlutik Oqartussani kom-munenilu sulisunut atuuttut naapertorlugit, taakkulu immikkut ta-kussutissiami takuneqarsinnaapput.

§ 18

Nerisanut ineqarnermullu akiliutit.

Peqqinnissamik siammarsaasut, ernisussiornermi ikiortit aamma peqqinnissamik siammarsaasutut ilinniartut suliffeqarfiup ne-risaqartitsinerani peqataasartut tamatumunnga akiliuteqassapput niviarsiat nerisaqarnermut akiliutaannut qanoq ilisukkulluunnit atuuttunut naapertuutumik.

Imm. 2. Inimi ataatsimi ineqarnermut, tassa imaappoq napparsimma-vimmi, napparsimmaveeqqami imaluunniit peqqinnissamik siammarsaasut aamma ernisussiornermi ikiortit qaammammut 500,00 kr.-nik akiliuteqartassapput.

§ 19

Ineqarneq.

Atorfinnik inuttassarsiuussinerni ineqarneq pillugu makku nalunaarneqartassapput:

- a) Inissaqartitsisoqartoq malittarisassat qaqugukkulluunniit atuuttut naapertorlugit, imaluunniit
- b) inissaqartitsisoqanngitsoq, imaluunniit
- c) atorfimmut atatillugu pisussaaffeqartoq suliffimmut atatillugu inigisassaatitaasumik ineqarnissamut.

Imm. 2 Atorfinitsinneqartup inissiaq innersunneqartoq najugariumanngippagu, inissiamik allamik innersuussisoqarsinnaanngilaq.

Imm. 3. Imm. 1, a) naapertorlugu inissianut innersunneqartunut ineqarnermut akiliuteqartoqartassaaq Namminersorlutik Oqartussat kommunellu inissiaataanni ineqarnermut akiliuteqartarnermut malit-tarisassat qaqugumulluunnit atuuttut naapertorlugit. Inissiamik innersunneqartumik sumiginnaasoqarpat anisitaanermik kingune-qartumik, inissiamik allamik innersuussisoqarsinnaanngilaq.

Imm. 4. Atorfillit imm. 1, c) naapertorlugu suliffimmut atatillugu inigisassaatitaasumik ineqartut ineqarnermut akiliuteqartassapput maleruagassat tjenestemandinut Namminersorlutik Oqartussani kom-mune-nilu sulisunut qaqugukkulluunnit atuuttut naapertorlugit, taakkulu immikkut takussutissiami takuneqarsinnaapput.

§ 20

Atorfinitinnermut atatillugu akiliunneqarluni angalaneq.

Atorfinitinnermi Danmarkimi Kalaallit Nunaanniluunniit angerlarsi-maffiup suliffeqarfingisallu akornanni akiliunneqarluni an-galatitsisoqassaaq inuttassarsiuussilluni allagarsiussaq naap-ertorlugu inissaqartitsisoqarpat imaluunniit atorfimmut atatillugu inigisassaatitaasumik najugaqarnissaq pisussaaffiuppat, tak. § 19, imm. 1, a) aamma c).

Imm. 2. Akiliunneqarluni atorfinitinnermi angalaneq aamma ilaatinne-qarput atorfegartup aapparisaa katissimanngikkaluarluguluunniit inooqatigisaa kiisalu meeqqat 18 inorlugit ukiullit. Taama ilaqua-tariit akiliunneqarlutik angalanerat sapinngisamik ataatsimoorluni ingerlanniarneqartassaaq.

Imm. 3. Taama akiliunneqarluni atorfininnermi angalaneq inummut namminermuinnaq tunngatitaavoq allanullu tunniunneqarsinnaanani. Akiliunneqarluni angalasinnaatitaaneq atorneqanngitsoq taartisissutigineqarsinnaanngilaq.

Imm. 4. Atorfininnermi akiliunneqarluni angalasinnaatitaanermi aqqutit sulisitsisumit innersuunneqartut atorneqartassapput.

Imm. 5. Atlantikoq ikaarlugu billetimi Danmarkimi namminermi angalaneq ilaagaangat taamaallaat matussuserneqarsinnaapput najukkap nunallu immikkoortuani mittarfiup akornanni tamanut angallasissutit atorlugit akikinnerpaamik angallanneqarnermut aningaasartuutit upernarsarneqarsinnaasut. Allatut angalasoqartillugu najugarisap Kastrup-illu mittarfiata akornanni tamanut angallasissutit atorlugit angallanneqarnermut akikinnerpaamik aningaasar-tuutit matussuserneqartassapput.

Imm. 6. Københavnimiinnermi aningaasartuutaajunnartut atorfegartup nammineq nammineq akilissavai.

Imm. 7. Nunatsinni namminermi atorfininnermut atatillugu akiliunneqarluni angalanermi taamaallaat matussuserneqartassapput najugaqarfiup atorfegarfissallu akornanni tamanut angallassissutit atorlugit akikinnerpaat angalanermut aningaasartuutigisimasat upernarsarneqarsinnaasut.

Imm. 8. Atorfininnermi pigisat assartorneqassapput malittarisassat tjenestemandinut Namminersorlutik Oqartussani kommunenilu atorfifinnut qaqugukkulluunniit atuuttut naapertorlugit, taakkulu immik-kut takussutissiami takuneqarsinnaapput.

§ 21

Sulinngiffeqarneq sulinngiffeqarnersiutillu.

Sulisut feriernersiuteqarneq feriernerlu pillugit Inatsisartut inatsisaat nr. 10 12. november 2001-imeersoq naapertorlugu sulinn-giffeqarsinnaatitaapput. Inatsisip § 2-at naapertorlugu aala-jangersakkat ataani immikkut taaneqartut makku isumaqatigiissuti-gineqarput.

Imm. 2. Sulisut Inatsisartut inatsisaanni § 15, imm. 2 naaper-torlugit 12½ %-nik sulinngiffeqarnersiuteqarluni sulinngiffeqarneq akissarsiaqarluni sulinngiffeqarnermut taarsiullugu toqqarpassuk ullut sulinngiffeqarfiiit amerlassusii naapertorluginit aningaasar-siat ilanngaaffigineqassapput. Sulinngiffeqarnersiutit ukiutut aningaasarsiarisimasanut naatsorsorneqassapput.

Imm. 3. Soraarnermi aningaasarsiat 12½ %-ii sulinngiffeqarnersiu-tissatut tunniunneqassapput.

Imm. 4. Sulinngiffeqarnermi aningaasanik pisassanik piumasaqarneq su-lisitsisumut saqqummiunneqassaaq ukiup sulinngiffeqarfissaasi-masup qaangiutereernerani kingusinnerpaamilli qaammatit pingasut qaanngiutinnangit. Taamaanngippat aningaasat Sulinngiffeqarnermut Aningaasaateqarfimmut nakkassapput, tak. Sulinngiffeqarnermut Aningaasaateqarfik pillugu isumaqatigiissummut tapiliussaq.

§ 22

Naartuneq, ernineq qitornavissiartaarnerlu.

Sulisut sulinngiffeqarsinnaatitapput, naartunermi, ernereernerup kingorna qitornavissiartaarnermilu Inatsisartut inatsisaat qaqugu-mulluunnit atuuttoq naapertorlugu. (maannakkut Inatsisartut inatsisaat nr. 14, 7. december 2009-meersoq).

Imm. 2. Sulinngiffegarnerup nalaani sulisoq akissarsiani pigi-innarlugit sulinngiffegarsinnaavoq Inatsisartut peqqussutaanni nr. 7. 22. oktober 1990. Uani takussutissiami takuneqarsinnaavoq akisarsiaqarluni naartunermi meeqqamillu ataatsimik meerartaarnermi:

Anaanaq: sap.ak. marluk erninissaq sioqqullugu	Anaanaq: sap.ak. 14-it kingorna Ataataq: sap.ak. 1-p kingorna	Tamarmik: sap.ak. sisamat avinneqartussat imm. anaanaasup kisimi.
---------------------------------------------------	------------------------------------------------------------------	-------------------------------------------------------------------------

§ 23

Napparsimaneq.

Sulisoq napparsimanini pissutigalugu sulisinnaanngippat, taassuma kinguneranik sulinnginneq inatsisinik unioqquitsinani sulinn-ginnertut isigineqassaaq, sulisoq sulinermini piaaraluni mianersu-aalliorujussuarluniluunniit napparsimalersimanngippat imaluunniit atorfininnermi salloqittaalluni napparsimanini nipangiusimasimap-pagu.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut napparsimanermi aammalu piffissami sivikillisakkamik soraarsitsinermi qaammatini tulleriiginnarni ullut 120-ini akissarsiaqartitsilluni periaatsit atuupput.

Imm. 3. Sulisut imm. 2-mi pineqannngitsut qaammatini tulleriiginnarni aqqaneq marlunni katillugit ullut 120-ini napparsimanermini akissarsiaqarsimappat, qaammatip naaneranut imatut siumut ilisimatitsereerluni soraarsitsisoqarsinnaavoq:

Suliffeqarfimmi ataatsimi;

- ukiuni 0 - 5 atorfeqareernermermi: qaammat ataaseq
- ukiuni 6 - 8 atorfeqareernermermi: qaammatit pingasut
- ukiuni 9 - sivisunerusumillu atorfeqareernermermi: qaammatit sisamat.

Soraarsitsinerup atuutitinneqarnissaanut piumasaqaataavoq ullut napparsimaffit 120-it taakkua naanerannut atatillugu soraarsitsisoqasssoq aammalu inuk pineqartoq suli napparsimatilluugu, kisiannili atuutitinneqarsinnaaneranut apeqqutaanngilaq inuk pineqartoq soraarsitsinissap nalunaarutigineqareernerata kingorna suliffiminut utersimappat.

Imm. 4. Kisiannili imm. 2 aamma 3-mi aalajangersagaq malillugu atorfecarnermit soraarsitsisoqarsimappat, atorfinitssitseqqittoqartariaqarpoq inuk pineqartoq sulileqqissinnaalerpat aammalu suliffeqarfimmi pineqartumi inuup pineqartup sulinissaa atorfissaqartinneqarpat.

Imm. 5. Suliffimmiit napparsimaneq piqqutigalugu qimagussimaneq nakorsap upternarsaaneratigut upternarsarneqarnissaa piumasarineqarsinnaavoq.

Imm. 6. Nakorsat upternarsaataat imm. 5 malillugu piumasarineqartut sulisitsisumit akilerneqassapput.

§ 24

Meeqqap napparsimanerani ullormi siullermi sulinngiffeqarsinnaatitaaneq.

Atorfilik tamakkiisumik ilaannakuusumilluunniit akissarsiaminik annaasaqarani sulinngiffeqarsinnaatitaavoq meeqqap nukangasup napparsimanerani ullormi siullermi.

Imm. 2. Sulinngiffeqarsinnaatitaanermi piumasaqaataavoq:

- a) Ulloq tassaappat meeqqap napparsimaffia siulleq,
- b) meeqqap atugai patsisigalugit tamanna pisariaqarpat,
- c) atorfecararfimmi pissutsit patsisaallutik tamanna ajornangippat,
- d) meeraq angerlarsimappat.

Imm. 3. Ullut napparsimaffigisimasat nalunaarsorsimaffiat taper-neqassaaq ilisimatitsissummik meeqqap napparsimanerani ullormi siullermi peqannginnermik.

Imm. 4. Aaqqissuussineq atornerluinermi sulisunut ataasiakkaanut atortussajunnaarsinnejarsinnaavoq.

§ 25

Meeqqap napparsimanerani sulinngiffeqarnerit allat.

Meeqqap 16 tikillugit ukiullip illoqarfimmi najukkami imaluunniit illoqarfimmi allami unittariaqalernerani, angajoqqaap peqqinnisaqarfiup akiligaanik illoqarfinnut allanut ingialluinerani, meeqqallu uninnganerata nalaani ullut 12 tikillugit akissarsiani nalinginnaasut pigiinnarlugit sulinngiffeqarsinnaavoq.

Imm. 2. Meeqqap napparsimmavimmut uninnissaa angajoqqaallu une-qataanissaa ingiallortaanissaalu nakorsamit upternarsarneqassaaq.

Imm. 3. Taamatuttaaq imm. 1, naapertorlugu sulinngiffeqartitsisoqar-sinnaavoq meeqqap angerlasimaffimmini innangatinneqarnissaa nakorsamit innersuunneqarpat/uppernarsarneqarpat.

Imm. 4. Immikkut illuinnartumik pissutissaqartillugu nakorsamillu upternarsarneqarpat sulinngiffeqarneq sivitsorneqarsinnaavoq ullut 5 tikillugit.

§ 26

Sulinngiffeqarnerit immikkut ittut allat.

Ilaquttat qanigisat napparsimaruloortillugit aamma/imaluunniit ilisaanerini atorfilik ukioq ataaseq atorfegarsimaguni akiliunneqarluni angalasinnaatitaavoq sulinngiffeqarsinnaatitaallunilu

ilaquttat qanigisat napparsimaruortillugit aamma/imaluunniit ilisaanerinut atatillugit akiliunneqarluni angalasarnerit sulinngiffeqartarnerillu pillugit malittarisassat qaqugumullunniit Kalaallit Nunaanni tjenestemandinut atuuttut naapertorlugit, taakkulu immikkut takussutissami takuneqarsinnaapput.

Imm. 2. Sulinngiffeqarnissamik aamma akiliunneqarluni angalanis-samik qinnuteqaat sulisitsisumut allaganngorlugu tunniunneqassaaq.

Imm. 3. Ilaquttat qanigisat tassaapput: angajoqqaat, aappat taamaattutullu naatsorsuussat, qitornat qatanngutillu, kisianni aappap ilaqtai taamaattutullu naatsorsuussat pinnagit.

§ 27

Sulinngiffeqartarnerit.

Qaammatisiutit naapertorlugit ulluni nalliuttuni atorfilik sulinngiffeqarsinnaatitaavoq, ullutut nalliuttutut uku naatsorsuunne-qassapput:

- a) ilagiit Lutherikkut nalliuttui,
- b) juulliaraq,
- c) ukiutoqqaq,
- d) kunngit pingasut ulluat (nal. 12.00 kingornatigut),
- e) 1. maj (nal. 12.00 kingornatigut) aamma
- f) kalaallit inuiattut ullorsiorfiat 21. juni.

§ 28

Qinikkatut pisortanillu toqqakkatut suliassaqartitaanerit.

Isumaqtigiissut una naapertorlugu atorfillaat qinikkatut pisortanillu suliassaqartitaanerit pillugit Namminersornerullutik Oqartussat qinikkatut pisortanillu toqqakkatut suliaqarneq pillugu nalunaarutaat nr. 5, 15. marts 1994-meersoq naapertorlugu sulinis-saminnut sulinngiffeqarsinnaatitaapput.

Imm. 2. Imm. 1 malillugu suliffigisamiit qimagusimaneq piffissami nalinginnaasumik suliffiusussaagaluami ilinniagaqarsimasunut aamma ilinniagaqarsimanngitsunut isumaqatigiissutit malillugit qaangiuttoornersiaqarfissaq sioqqullugu pisoq sumiginnaanertut isigineqassanngilaq. Suliffimmait qimagusimanissaq sapinngisamik sioqqutsil-luarluni sulisitsisumut nalunaarutigineqassaaq.

Imm. 3. Pisortanit suliassaqartitaaffinni allani SIK-p immikkoortaqarfiini siulersuisunut, SIK-p inuusuttaani siuliersuisunut aammaalu SIK-p siulersuisuunerinut ilaasortat, pisortat oqartussaasoqarfiinit piumaffigineqarneq tunngavigalugu ilaasortaaffigineqartut imm. 1-mi 2-milu malittarisassat tunngavigineqassapput.

Imm. 4. SIK-p siulersuisuuneri, SIK-p Inuusuttaisa siulersuisuuneni ilaasortat, ataatsimeersuarnerni, nakkutilliisoqarfegarnerani peqataanermut atatillugu SIK-p siulersuisuunerinut aamma SIK-p Inuusuttaaisa siulersuisuunerinut ilaasortat, aningaasarsiaqarlutik sulinngiffeqarsinnaatitaapput amerlanerpaamik ukiumut sisamariarlutik.

Imm. 5. SIK-p immikkoortortaqarfiini siulersuisut, SIK-p siulersuisuunerini aamma SIK-p Inuusuttaaisa siulersuisuunerini ilaasortat, akissarsiaqaratik sulinngiffeqarnissartik kissaatigippassuk tamanna akuerineqartariaqarpoq. Taamatut sulinngiffeqartoqarsinnaavoq ukiut ataasiakkaarlugit.

§ 29

Sullisit.

Peqqinnissamik siammarsaasut aamma ernisussiornermi ikiortit akeqanngitsumik sulliseqartitaassapput. Tamanna ataasiakkaatigut pisinnaanngikkaangat ukiumoortumik tamatumunnga taartisiaqartitsisoqartassaaq 2.136,00 kr.-niniz imaluunniit akeqanngitsumik errorsissunneqartarpata ukiumut 1.008,00 kr.-niniz.

§ 30

Toqukkut qimagaanersiutit.

Sulisoq atorfeqarnermi nalaani toqusimappat aapparisaanut tassungalu naligititat imaluunniit qitornaanut 18 inorlugit ukiulinnut qimagaasunut toqusup pilersugarisimasaanut qimagaanersiutit ataani allassimasut naapertorlugit tunniunneqassapput:

Atorfeqar-

figisami ukioq 1 sulisimappat.....: Qaam. 1 akissarsiat
- ukiut 2: Qaam. 2 akissarsiat
- ukiut 3 amerlanernilu.....: Qaam. 3 akissarsiat

§ 31

Soraarniuteqarneq/Soraarsitsineq.

Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut soraarnermut atallugu ajunngitsorsiaqaqarsinnaaneq aammalu soraarniuteqarnermut periaasiusut, ilaatigut misiliutaasumik atorfininneq, utaqqiissaagallartumik suliaqarneq narparsimanermilu atuupput.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut sulisitsup tungaanii sulisumik imatut siumut ilisimatitsereerluni soraarsitsisoqarsinnaavoq, misiliutaasumik atorfininneq imaluunniit utaqqiissaagallartumik suliaqarallarneq pineqanngippat:

- a) Atorfininnerup kingorna qaammatini arfinilinni siullerni qaammammik ataatsimik ilisimatitsereerluni qaammatip naaneranut
- b) Atorfininnerup kingorna qaammatit arfinillit kingorna qaammatinik pingasunik ilisimatitsereerluni qaammatip naaneranut
- c) Taassuma kingorna ukiut atorfeqarnerit pingasukkaarlugit siumut ilisimatitsereerluni soraarsitsisisinnaanerit qaammammik ataatsimik ilaneqartassapput, kisiannili annerpaamik qaammatini arfinilinni.

Imm. 3. Soraarniuteqarneq imm. 2 naapertorlugu piffissaqarluartumik ilisimatitsissutigineqassaaq siumut soraarniuteqarnerup ili-simatitsissutigineqarnerani piffissap iluani pisusanngorlungu.

Imm. 4. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisut qaammammik ataatsimik siumut ilisimatitsilluni qaammaatip naanneranut soraarniuteqarsinnaavoq, misiliutaasumik atorfininneq imaluunniit utaqqiissaagallartumik suliaqarallarneq pineqanngippat.

Imm. 5. Sulisut Sulisitsisut aamma atorfillit akornanni pissutsit pillugit Inatsisartut inatsisaat naapertorlugu pineqanngitsut, atorfegarnermi qaamatini pingasuni siullerni ullunik tallimanik siumut nalunaaruteqarlutik ullormut sumulluunniit soraarsinnaavoq. Tamannalu sulisitsisumiit sulisumiillu atuuppoq. Qaamatit pingasut atorfegareernerut kingorna soraarniuteqarsinnaanerit imm. 2 b-c aamma imm. 4-miitut atuupput.

Soraarniuteqarnermut maleruagassat misiliutaasumik atorfininnermi imaluunniit utaqqiissaagallartumik suliaqarallarnemi siuliani inatsimmi pineqartumi atuutinngillat.

Imm. 6. Sulisitsisup sulisullu soraarsitsinissamik soraarnissamilu siumut nalunaarutaat allaganngorlugu tunniunneqassaaq.

§ 32

Isumaqtigiinngissutit kinaassusersiortumillu soraarsitsinerit.

Isumaqtigiinngissutit suliarineqartassapput aaqqiagiinngissutit suliarineqartarnissaannik tunngaviusumik isumaqtigiisummi aala-jangersakkat naapertorlugit.

Imm. 2. Inunniq ataasiakkaanik soraarsitsisisinnaaneq atorneqaraaangat tamanna kinaassusersiornermik tunngaveqartassanngilaq. Tamanna pillugu apeqquqtit aaqqiagiinngissutit suliarineqartarnissaannik tunngaviusumik isumaqatigiissummi aalajangersakkat naapertorlugit suliarineqartassapput.

§ 33

**Peqqinnissamik siammarsaasut aamma ernisussiornermi
ikiortit nal. Akunnermusiallit.**

Peqqinnissamik siammarsaasut aamma ernisussiornermi ikiortit atorfeqavinnissaq siunertarinagu, kisiannili sulinngiffeqartoqartillugu, napparsimasoqarnerani assigisaannilu taartissatut imaluunnit qaammatit pingasut inorlugit sivisussusilimmik allamik suliaqarallarnissamut sulisussarsiarineqartut, nal. akunnermusialerlugit aningaasarsitinneqartassapput. Qaammatit pingasut sinerlugit sulereerneremi pineqartoq qaammamusiaqalersinneqassaaq, taamaattorli sulisartup kissatigiguniuk nalunaaquttap akunnermusiqaannarsinnaavoq.

Imm. 2. Ulluunerani sulinermi nal.akunnermusiaq pineqartup ukiut suliffii tunngavigalugit § 3 naapertorlugu qaammamusiaritinneqartup 1/173,33-erivai. Taamatuttaaq peqqinnissamik siammarsaasut ernisussiornermilu ikiortit nal. akunnermusiallit pikkorissutsimut oqaluttaanermullu tapisiaqartinneqassapput isumaqatigiissummi §§ 11 A aamma 13 naapertorlugu, isumaqatigiissummi nal.akunnermusiapaalajangersarneqartup 1/173,33-ianik. Pigaartuunermi, un-nukkorsiorluni aamma unnuarsiorluni kiisalu arfininngornikkut aamma sapaatini sulinerni §§ 7-mut 9-mut isumaqatigiissummi aalajangersakkat atuutsinneqarput.

Imm. 3. Peqqinnissamik siammarsaasut aamma ernisussiornermi ikiorrit nal. akunnermusiallit akissarsiffissaat ullunut 14-inut

naatsorsorneqartassaaq, ataasinngornermiit sapaatit akunnerisa marluk naaneranni sapaat ilanngullugu.

Imm. 4. Peqqinnissamik siammarsaasut aamma ernisussiornermi ikior-
tit nal.akunnermusiallit isumaqatigiissummi § 3-mi skalat mali-
llugit ukiut suliffiit qaffakkiartortarneri naapertorlugit inis-
sinneqassapput. Peqqinnissamik siaammarsaasut aamma ernisus-
siornermi ikiortit nal.akunnermusiaqarnermik nalaani ukiut su-
liffiit qaffakkiartortarnerinik pissarsisinnaanngillat.

Imm. 5. Suliffiup sivisussusianut aamma qaangiuttoornernut il.-il.
aalajangersakkat peqqinnissamik siammarsaanut aamma ernisus-
siornermi ikiortit qaammamusialinnut atuuttut atuutsinneqassap-
put. Taamatuttaaq tjenestemanditut atorfeganngitsunut, peqqin-
nissamut ikiortinut, ernisussiornermi ikiortinut aamma peqqin-
nissamut ikiortitut ilinniartunut piffissaq qasuerserfik aamma
ulloq unnuarlu sulinngiffik pillugit 11. juli 1993 isumaqati-
giissutigineqartoq peqqinnissamik siammarsaasunut aamma ernisus-
siornermi ikiortinut nal. akunnermusialinnut atuuppoq.

Imm. 6. Peqqinnissamik siammarsaasut aamma ernisussiornermi ikior-
tit nal.akunnermusiallit ullut 6 tulleriiginnat nalliuttut sio-
qqullugit sulisut (tamatumunnga ilanngullugu ullut sulinngiffissat
suliffissatut nalunaarsorfimmittut) nalliuttuni sulinermi
nal.akunneranut suliffiorpiartunut akissarsiap nalinginnaasup sa-
niatigut aamma peqqinnissamik siammarsaasut ernisussiornermilu
ikiortit § 8 imm. 3. naapertorlugu sulinngiffissaraluanut annaa-
sanut akiliutit pissarsiarissavaat.

Imm. 7. Peqqinnissamik siammarsaasut aamma ernisussiornermilu iki-
ortit nal. akunnermusiallit ullunik 6-nik ikinnerusunik nalliuttut
sioqqullugit sulippata tamatumunnga nalliuttuni ulluinnartigoortu-
ni qaangiuttoorneq ilanngullugu tamanna peqqinnissamik siammars-

saasut ernisussiortullu ikiortit § 8 imm. 3. naapertorlugu sulinn-giffissaraluanut annaasanut akiliutit nal.akunneranut suliffiusunut pissarsiarissavaat.

Imm. 8. Isumaqatigiissut naapertorlugu suliffiup immikkoortoqarfiani piffissaq suliffissaq sivikinneruppat peqqinnissamik siammarsaasut aamma ernisussiornermi ikiortit suliffeqarfiup iluani suliassanik allanik sulegataanissaminut pisussaaffeqarput. Sulif fissap aalajangersakkap avataatigut sulinerni qaangiuttoornersitsisoqassaaq.

Imm. 9. Peqqinnissamik siammarsaasut aamma ernisussiornermi ikiorit nal.akunnermusiallit suliffissaat tamakkiisoq sulisitsisumitarfissaqartinneqanngippat aammalu sulisitsisoq suliassamik allamik innersuussisisinnaanngippat saniatigullu nal. akunneri 4-nik piffissaq suliffissaq sioqqullugu ilisimatitsisoqanngippat sulisitsisup pisussaaffigaa ulloq taanna nal. akunnerinik sulif fissatut isumaqatigiissutaareersut nalinginik akissarsisitsinissaq.

Imm. 10. Peqqinnissamik siammarsaasut aamma ernisussiornermi ikiortit nal. akunnermusiallinnut aalajangersakkat §§ 4-mi, 15-mi aamma 16-miittut aamma 23 atuutsinneqarput.

Imm. 11. Peqqinnissamik siammarsaasut aamma ernisussiornermi ikiortit nal.akunnermusiallit akeqanngitsumik sulliseqartinneqassapput. Tamanna ataasiakkaatigut pisinnaanngikkaangat nal.akunneranut 1,11 kr.-mik tapisiaqartitsisoqassaaq. Taamatullu qaangiuttoornermi aamma nalliuuttuni sulinerni tapisiaq tunniunneqassalluni.

Imm. 12. Peqqinnissamik siammarsaasut aamma ernisussiornermi ikiortit nal.akunnermusiallit sulinerat siumut qaammammik ataatsimik

siumut ilisimatitsilluni qaammaatip naanneranut atorunnaarsinne-qarsinnaavoq.

Imm. 13. Peqqinnissamik siammarsaasut aamma ernisussiornermi iki-ortit nal.akunnermusiallit ullut 6-it ingerlaneranni akissarsiaqaratik ullormi ataatsimi sulinngiffeqarsinnaatitaapput; taa-maattoq ulloq sulinngiffissaq suliffimmi pissuttsit patsisaatil-lugit allamut nuutsinnejqarsinnaavoq, soorlu assersuutigalugu un-nukkut aamma unnuarsiorluni sulinerit patsisigalugit.

Imm. 14. Peqqinnissamik siammarsaasut aamma ernisussiornermi iki-ortit nal.akunnermusiallit feriernersiutissaattut akissarsiaasa 12½ %-iattut annertutigisut katarsorneqartarput.

§ 34

Akissarsiat katiterneri.

Akissarsiat § 3-mi imak katitigaapput 1. april 1991-mi tunngaviusumik aningaasarsianik aammalu tunngaviusumik aningaasarsianut tapiliussamik. Tunngaviusumik akissarsianut tapiliussaq 1. april 2000 16,4789%-tiuvoq. Skala-mi akissarsiat iluarsiissutitaqangitsumik koruuninngorlugu tapiliussamik qaffaavigineqassapput ataanni qaffaatit allassimasut najoqqutaralugit:

01.04.18
kr
380,56

01.04.19
kr
380,56

01.04.20
kr
380,56

01.04.21
kr
380,56

§ 35

Ikaarsaarnermi malittarisassat.

Sulisut 31. marts 1995 killigalugu isumaqatigiissut 13. juli 1993-meersoq tunngavigalugu atorfeqartinneqartut, isumaqatigiissummi taaneqartumi § 23, imm. 1, "sulinngiffegarnerit immikkut ittut al-lat"-mi malittarisassaq atuutiinnassaag.

§ 36

Piffissaq isumaqatigiissutip atuuffia.


Isumaqatigiissut una 1. april 2018 atuutilerpoq. Isumaqatigiissut illuatungeriinnit tamanit qaammatinik 3-nik siumut ilimasaaruteqarnikkut 31. marts-imut taamaattorli siusinnerpaamik marts-ip 31.-ani 2022-imut atorunnaartussangortinneqarsinnaavoq.

Immikkoortoq P.
(Peqqinnissamik Siammarsaasut
S.I.K.)

Imm. 2 Isumaqtigiissut atorunnaarpat piffissap nutaamik isumaqtigiissuteqarfissap tungaanut akissarsiat marts-ip 31.-ani 2022 atuuttut malillugit akissarsiaqartitsisoqassaaq.

Nuummi, ulloq **02 DEC. 2019**

Sulinermik Inuussutissarsiuteqartut
Kattuffiat



Jess G. Berthelsen

Naalakkersuisut
n.s.



André Steenholdt-Guttesen

Taamalu isumaqtigiissut 14. november 2014 -meersoq atorunnaarpoq.